

〔清〕趙蘭亭 撰

救傷秘旨

中國醫學大成續集

救傷秘旨提要

清·趙蘭亭撰。蘭亭字廷海。天台人。首述總論脈法。五藏外竅。決死生法。氣血流注。十三味總方。十四味加減方。七厘散紫金丹各方。三十六大穴圖穴解。損傷用藥論。各家名方。附續刻跌打損傷。辨生死訣。仙授外傷見血主方。按症加減法。補唇方法。破傷總論。輕重損傷。按穴治法。計三十四穴。各種膏丸丹散方。趙氏菟集諸說。博采衆方。誠傷科之秘書也。

救傷秘旨跌損妙方二書合刻序

跌打損傷諸方。從古為技擊家所秘。世
傳蓋鮮。然水涸之懼。人所付有一遭不
虞。而活之不得。至法。命無悔及矣。友人
趙君蘭亭。為余吳興。編集良方。初不
自私。乃以濟世。余感黃雲海為序。其

書。名曰捕傷秘旨。而余恆開雕之責。夫
志願亦若是也。可收救傷之實效也。
既而蘭亭復以跌損妙方一冊見示。閱
其書。蓋夏郵孫氏所刊傳者。卷中系
門別類。各出證法。其傳甚速。而且秘。誠
異書也。特為刻述。以傳之江。去吾鄉千餘

里。雖有刊本。何能多。今并梓之以
廣其傳。上猶刻趙氏救傷秘旨之書
耳。時

我雲二年歲在壬子中秋前三日黃
巖管頌書於廣南甫書於永祿樓



傷
方
合
刻
序

救傷秘旨序

古君子身體髮膚。不敢毀傷。蓋惜
其常。今史之從軍。赴疆場。矢丹
交。不。旗鼓相當。遠處傷哉。願百國未若。
得人以無。失人以亡。骨陷陳。雖多勇
之將。難保無傷。其傷也。不治則死。以

治則生。之則國家倚賴。死則三軍阻喪。
以是為醫治之術。不可不詳也。等而下
之。鄉隣有鬪者。一物之忌。或傷人。或受傷。
不治則死。得治則生。之則可以息爭。死
則受傷者賁恨。而傷人者斂脰以償。於是
更知醫治之術。不可不詳也。吾友王君

君蘭亭。慈祥人也。嘗游江陵。學西洋
種痘之法於武昌。歸而傳種。俾先痘不
殤。又次公廣集醫方。隨宜施治。而尤憫
夫受傷者。鮮良方也。蓋其技藝之良。
以古秘藏。索賂不足。則求諸不意。是以傷
者多亡。君少好勇。博達四方。遂技藝之良。

者。必以而請教焉。故得自其詳。彙抄成帙。
藏之縑緇。因言不受酬謝。而與人折傷矣。
以難痘未竟。余以管君廣惠獲交焉。君因
出示所抄諸方。閱之方皆世所不傳。必誠可
以救傷者也。遂名曰救傷秘方。而廣惠留
之。出以資刊布。以播諸遠方。今而後活傷者

術可得而詳。其將為醫國之良欵。然若
不顧人之無傷也。

咸豐元年子孟夏三月

蒼溪教弟黃錫拜撰



救傷秘旨

天台趙廷海蘭亭輯

黃巖管頌聲賡堂校刊

總論

六脉綱領曰。浮沉遲數滑濇。浮沉以部位言。而虛實濡弱革牢六脉從之。遲數以至數言。而緊緩促結代五脉從之。滑濇以形象言。而長短洪微芤絃動伏散細十脉從之。此脉之大概也。又有解索。雀啄。屋漏。魚翔。彈石。蝦遊等名。皆死脉。人有四海。腦爲髓海。丹田爲精海。膻爲氣海。脾爲血海。人有五餘。頭髮屬心。血之餘。眉毛屬肝。筋之餘。鬚屬腎。精之餘。腋毛屬脾。肌肉之餘。陰毛屬肺。氣之餘也。又指甲筋之餘。筋乃骨之餘。骨乃精之餘。皮乃血之餘。脉乃氣之餘。骨節乃五臟之餘也。五臟之竅。舌爲心苗。心寄竅於耳。眼爲

肝竅。口爲脾竅。鼻爲肺竅。耳爲腎竅。腎又開竅於二陰焉。五臟絕症。鼻孔向上而黑者。肺絕也。嘴唇反起黑色者。脾絕也。魚目定睛。人中陷者。肝絕也。舌尖黑色。芒刺有胎。心絕也。兩耳黑色。腎囊吊起。腎絕也。以上五絕之症。不治。頭爲諸陽之會。正額屬心。心主血。最畏見風。若破傷風。頭額發腫者。即死。

十二時氣血流注歌

寅時氣血注於肺。卯時大腸辰時胃。巳脾午心未小腸。膀胱申注酉腎注。戌時包絡亥三焦。子胆丑肝各定位。凡損傷。骨斷皮破者。藥用水煎。皮不破者。藥用酒煎。必加童便。以活瘀血。

發散方 凡跌打損傷。先用發散爲主。

川芎 枳壳 羌活 澤蘭 荆芥 防風 獨活 歸尾
乾薑各一錢加葱白三莖水煎服。

十三味總方

三稜五錢赤芍 骨碎補各一錢五分當歸傷上中二部用全歸。
傷下部用歸尾。蓬朮 元胡索 木香 烏藥 青皮 桃仁
蘇木各一錢若傷重者。大便不通。加大黃四錢。恐有瘀血入內。
滯。通瘀爲主。用陳酒半斤煎。又加縮砂仁三錢同煎服。

十四味加減方

兎絲子 肉桂 劉寄奴 蒲黃 杜仲 元胡索 青皮 枳
壳 香附 五靈脂 歸尾 縮砂仁各一錢五加皮一錢五分
廣皮二錢酒水各半煎服。

七釐散

地驚虫去頭足血竭 礪砂各八錢蓬朮醋炒五加皮酒炒兔絲子 木香 五靈脂醋炒廣皮各五錢生大黃 土狗各六錢硃砂 猴骨各四錢巴豆霜 三稜 青皮 肉桂去粗皮不見火各三錢赤芍酒炒烏藥炒枳壳 當歸酒炒蒲黃生熟各半各二錢麝香一錢五分以上各製共爲末。傷輕者服七厘。重者服一分四厘。最重者服二分一厘陳酒冲服。仍可加入十三味總方內服之。凡瘀血攻心者。卽醒。

飛龍奪命丹

礪砂 地驚虫 自然銅醋炙七次血竭各八錢木香六錢當歸桃仁 蓬朮 五加皮酒炒猴骨製各五錢元胡索醋炒三稜

醋炒蘇木各四錢五靈脂醋炒赤芍酒炒韭子炒蒲黃生熟各半
破故紙鹽水炒廣皮炒川貝枳壳硃砂葛根炒桑寄生炒
各三錢肉桂去粗皮不見火烏藥羌活麝香杜仲鹽水炒
秦艽炒前胡炒土狗不見火青皮醋炒各二錢以上各製共爲細
末傷重者服三錢輕者服一錢五分老酒冲服仍可加入十三味
方內服之。

地鱉紫金丹

地鱉虫 礪砂 血竭 自然銅各八錢烏藥 土狗 元胡索
醋炒當歸酒炒桃仁 威靈仙酒炒川牛膝各五錢麝香 香附
製木香各四錢川續斷鹽水炒五加皮炒猴骨製蘇木 貝母
廣皮炒澤蘭 五靈脂醋炒各三錢兔絲子不見火二錢以上各

製共爲細末。傷重者服三錢。輕者服一錢五分。酒送下。

三十六大穴圖說

凡人身上有一百零八穴。內七十二穴。不致命。不具論。其三十大穴。俱致命之處。受傷者。須用藥調治之。藥法開後。

